

Gambar “Nabi Daud” telah heboh dibahas kerana menghina agama Islam. Gambar ini dipandang orang “terlalu” dengan menggambarkan bahawa Nabi Daud melakukan perbuatan asi pada hal Islam memandang Nabi Daud bersih daripada yang demikian itu. Siapa yang tidak percaya kepada yang demikian sudah tentu tidak menyempurnakan satu daripada rukun iman. Kerajaan tentulah berketanggungan di dalam perkara ini! Tetapi yang pelik ialah mengapa tatkala dijalankan sensor dalam filem ini tidak diminta fikiran? Boleh jadi juga ada di antara orang-orang yang menjalankan sensor itu orang “Islam” – kerana kalau dia orang Islam tentu ia mengetahui selok belok Islam dan jika tidak mengetahui sudah tentu ia tidak mahu jadi sensor pihak Islam – beginilah kalau orang hanya mahu terima jawatan sahaja sedang pengetahuan tidak ada. Akibatnya orang tidak puas hati dengan kerajaan – tidakkah keadaan yang demikian ini boleh dikatakan “menipu” kerajaan dan tidak berketanggungan??



Dua orang “ahli Majlis Islam Penasihat Kerajaan”

dan dua orang “penganjur” Islam khabarnya telah ditanya menyatakan bahawa mereka tidak menampak ada menghina kepada Islam. Gambar itu dipandang mereka suatu hiburan sahaja! Beginilah keadaannya kalau melantik orang-orang “munafik” di dalam sesuatu jawatan. Mereka berdalih atau bermuka tatkala ditanya dan bermuka manis kepada orang-orang Islam apabila ada sesuatu maslahat yang dikehjarnya.

Sekarang heboh di percakapan perkara Sharifah kahwin dengan orang kebanyakkan dan perkara wali mujbir – heboh ini tidak akan reda kalau sekiranya orang-orang Islam tidak faham di dalam hukum-hukum Islam! Orang-orang heboh selalu tidak lain kerana jadi pak turut atau seperti burung tiung – bersorak orang bersorak dia. Tetapi tidak tahu apa hakikatnya! Perkara yang terang seperti bulan hendak bersuluh lagi – apa kata ulama-ulama sekarang mahu dijadikan orang perkakas juga lagi untuk memecah-mecahkan umat Islamkah! Ingat-ingat setengah-setengah penulis itu penanya kerap kali dibeli orang dan suka membuat heboh sahaja sedang perkara yang haq disembunyikan – pembaca-pembaca! Betul atau tidak?

-----*-----
Lagi buat heboh – dikatakan bahawa orang-orang hendak mengadakan Mufti Besar bagi Malaya sudah terbit lagi!

KOPI PAHIT

Ini satu peluang atau “can” ke mata orang sekarang kepada tok lebai atau alim ulama yang suka buat-buat besar perkara ini supaya nanti dapat jawatan besar –

tangan jubahnya lebar seela – keluar rumah berderet-deret diikuti oleh merpati-merpati kecil dari sembilan buah negeri dan menjadi tukang baca doa ambil berkat sedang yang didoakan setiap masa membuat asi! Tidakkah lebih molek mengutamakan bagaimana umat kita berbaik kepada agamanya yang sebenar dengan menjauhkan segala khurafat yang ditanam oleh orang-orang dahulu?

-----*-----
Tengku Abdul Rahman Yang di Pertua UMNO telah membidas Persatuan Islam Se-Malaya. Bidasan itu menaikkan “berang” ahli-ahli jawatankuasa Persatuan Islam Se-Malaya yang dasarnya seperti pucuk ru itu. Mereka tidak puas hati tetapi tatkala menujuhan pertubuhan itu mereka lupa – tidak mahu berdiri sendiri – “masih sayang kepada UMNO”! Sekarang di mana perdirian mereka! Kepada UMNO atau kepada Persatuan Islam Se-Malaya. Ini belum lagi nanti atas usaha merebut kerusi atau perkara yang lebih besar! Beginilah kalau orang cuba dua hati! – Cemeti Al-Farouk.

-----*-----
Orang-orang di Kelantan telah mengeluarkan suara bahawa Onn itu tidak mewakili orang Melayu lagi – sebab itu suaranya jangan dipandang sebagai wakil Melayu sebab kerana ia sudah talak tiga dengan Melayu! Setuju seratus peratus! Dan harus tiap-tiap seorang Melayu mesti membuat isytihar yang demikian itu supaya kawan-kawan Onn, si Ah Chong dan Punusami mengetahui sekarang ia tidak berpengikut orang Melayu! Apakata UMNO – bila mengeluarkan isytihar yang demikian itu lagi!??